

Hari Terbuka USIM sedia pelbagai aktiviti untuk pelajar, ibu bapa



“
**LEBIH JELAS KEPADA
PENGUNJUNG
MENGENAI KEISTI-
MEWAAN USIM,
TERUTAMA DALAM
MENAWARKAN MO-
DEL UNIK PENGA-
JIAN TINGGI ISLAM”**

Program sarat dengan pelbagai

Nilai: Pelajar, ibu bapa dan masyarakat dijemput memeriahkan Hari Terbuka Universiti Sains Islam Malaysia (USIM) yang akan diadakan pada Sabtu ini, bermula 9 pagi hingga 5 petang.

Dr Faizal Kasmani,
Pengarah Pusat Komunikasi
Strategik USIM

aktiviti menarik turut membo

lehan pengunjung mengetahui lebih lanjut mengenai peranan USIM sebagai pusat integrasi ilmu naqli dan aqli.

Pengarah Pusat Komunikasi Strategik USIM, Dr Faizal Kasmani, berkata dianggarkan 5,000 pelajar, ibu bapa dan masyarakat sekitar Lembah Klang serta negeri berdekatan seperti Melaka dan Johor tidak akan melepaskan peluang keemasan sepanjang hari terbuka itu untuk mendapatkan maklumat terperinci mengenai 64 program peringkat ijazah pertama dan pas-casiswazah ditawarkan USIM.

“Sebagai peneraju dalam segenap aspek ilmu dan pusat rujukan global untuk integrasi ilmu naqli dan aqli, USIM menggunakan pendekatan seimbang dalam pendidikan, iaitu menerapkan elemen yang memenuhi keperluan fizikal dan rohani selain pengukuhan dalam program akademik.

“Oleh itu, Hari Terbuka USIM ini bakal memberi pemahaman lebih jelas kepada pengunjung

mengenai keistimewaan USIM terutama dalam menawarkan model unik pengajian tinggi Islam, yang membezakannya daripada universiti Islam lain di seluruh dunia” katanya.

Beliau berkata, antara aktiviti dijangka menarik perhatian ialah sesi Bicara Ikon Bersama-sama Timbalan Yang Dipertua Muafakat Kolej PERMATA Insan USIM, Dr Khairul Nahar Amiruddin yang membincangkan topik Tip Mendidik Anak Genius pada jam 9 pagi.

Larian sambil beramal

Katanya, sesi berkenaan diteruskan dengan topik Wanita dan Keluarga kupasan Pensyarah Kanan USIM, Dr Nik Salida Suhaila Nik Saleh pada jam 12 tengah hari diikuti topik al-Quran dan Kebahagiaan Kehidupan oleh Johan Qari Peringkat Kebangsaan 2013, Ustaz Anuar Hasin pada 2.30 petang.

“Bagi yang berminat menyertai acara larian sambil beramal, Dr Faizal berkata, Fit USIM Charity

Run 2015 akan berlangsung jam 7 pagi di Kompleks Sukan Tunku Najihah membabitkan empat kategori iaitu pelajar sekolah, pelajar USIM, kakitangan USIM dan terbuka.

“Selain itu, Dewan Tuanku Canselor yang menjadi lokasi utama Hari Terbuka turut menampilkan pelbagai aktiviti lain antaranya pameran akademik, jelajah kampus, Science Outreach, Kuiz Olimpiad Matematik, program bersama dengan komuniti, program kanak-kanak, pencarian bakat, gerai jualan dan pemeriksaan kesihatan percuma,” katanya.

Yang turut diadakan ialah Seminar Kerjaya Pegawai Hal Ehwal Islam bagi memberi peluang peserta mengenali skim perkhidmatan berkaitan, memperoleh syarat dan cara memohon, tip penyediaan resume, tip temu duga, komunikasi dan imej, mock interview dan sesi khas bersama-sama Pengarah Jabatan Agama Islam Wilayah Persekutuan.